

追懷梁寒老

陳鶴齡

梁公寒操於民國六十四年二月廿六日，在中國廣播公司辦公室內，以心臟冠狀動脈栓塞症突發去世，一時朝野震悼，文友青年，遽失導師，無限悽愴。鶴齡追隨寒老三十餘載，平居以師禮事之，幸獲耳提面命，細大不捐，獲益之深，難以筆述。

茲者，寒老去世轉瞬二十年矣，鶴齡今日之懷念、悲惻之情，愈久而愈深，爰就「闡揚孫學、關斥邪說」與「力行真理，犧牲奉獻」二端，略抒淺見，聊舉一得之愚，以就正於有道，亦以表達孺慕之忱於萬一而已。

闡揚孫學關斥邪說

寒老民國前十三年誕生於廣東三水縣西南鎮，兩代業醫，邑有令名。父玉簡公，母何太夫人，雁行七人，寒老居次。七歲入學，以聰慧過人，每試輒名列前茅，稚齡即有神童之譽。年十三與高齡之考生，並肩投考肇慶中學，榜發名列第三。課餘愛讀當日革命黨員主編之民報和梁啟超之新民叢刊等書，革命救國思想油然而生。旋以榜首第一名畢業，青年倣儼，意氣風發。十六歲

時，新會縣教會設立之明德學校聘請任教，寒老對耶教信仰，即植根於此時。課餘浸淫革命書刊，三民主義之閱讀，即在此時。不久考入國立廣東高等師範學堂英語部，在校時以才華卓越，見重於師長同學，壯年又有高要才子之譽。民國八年「五四」運動爆發愛國熱潮，波瀾壯闊，南方領導之學校即為高師，校中領導人物為梁翰藻，梁翰藻者，即寒老在學時之原名也。畢業後離校就業，任教於廣州培正中學。民國十三年，國父孫中山先生每週到高師禮堂演講三民主義，寒老每週必到，對國父思想之偉大、學識之淵博，深為崇拜。此次聆聽國父演講，不特立志對三民主義及中西政治哲學加深探討，而對於以後一生之研究及獻身革命大業，義無反顧之決定，亦於此奠定。隨即奮身追隨國父，其時北伐軍興，即從事黨政工作；迨國父逝世，共產跨黨份子跋扈囂張，妖言惑眾，寒老起而斥之，根據其對孫學之深湛認識，與中西學識廣博之心得，以犀利之辭鋒，到處演講，以動人之文筆發表文章，無論在學校、在軍中、在社會，皆有其足跡，有其聽眾。舉反共之大纛，為文化之前鋒，朝

野對此熱血青年，賜以「三民主義牧師」之雅號，成為一時之佳話。民國二十六年「七七」事變，日本軍閥發動全面侵華，蔣委員長即宣佈民族存亡已到最後關頭，七七抗戰於然揭幕。其間寒老以立法院立法委員兼秘書長並兼任政治部副部長，及任中央訓練團國父遺教講席，又任三民主義叢書編纂委員會主任委員；復先後出任廣東國民大學、廣州法政專科學校、廣東高等警官學校等校教授。以孫學融會於中西學術之中，爬羅剔抉，刮垢磨光，孫學益發光彩，甚盛事也，豈止嘉惠後學而已哉？抗戰期間，共黨蓄意篡奪，我政府一面抗戰，一面反共，實彈交鋒、文宣戰場交替周旋，至為艱苦。其時寒老即出任中央宣傳部長，口誅筆伐，兀兀窮年，直接與共黨宣傳機搆對壘，對朱毛邪說之詭辭惑眾，嚴加撻伐，大加抨擊，使敵計無所遁形，幾百施為，於抗戰事功、軍心士氣大有裨益。迨至民國三十八年，共黨竊據大陸，寒老遠離香港，即在新亞書院及各專學校任教，重執教鞭；雖在困厄，春風化雨仍廣被海隅，課餘並在各報章雜誌特約撰文，鼓吹反共。民國四十三年，奉總統蔣公中正之召，



外賓。
①梁寒操(右四)在重慶出席青年團一大大會與賀衷寒等合影。②梁寒操任中廣公司董事長招待來賓。③梁寒操(左二)招待

來臺出任中國廣播公司董事長之職。草創之初，以經費支絀，事事棘手，乃力主自力更生，增加節目、挿播廣告，收支賴以平衡，規模因而大備；乃大倡樂教，鼓吹中興，軼排異端，攘斥馬列，其匡時議論，有如黃鐘大呂，廣被海內外與大陸各省；揚大漢之天聲，正世人之視聽，功效之宏難以言宣。公務之暇，兼任東吳大學教授、中美文化經濟協會理事長，創辦中英文版中美月刊，宣揚中美文化，促進中美友誼。及創辦廣東文獻季刊，以教勉鄉人，恭敬桑梓，意至善也。寒老一生致力於闡揚孫學，力闢邪說，衛廣陶甄，功在黨國，誠不世之英傑！

力闢邪說犧牲奉獻

寒老一生力行真理，犧牲奉獻之精神，方之濁世，誠不多覩，茲舉一二事以驗吾言。回溯抗戰期間曾二次奉命遠赴新疆宣慰（爲三十一年八月與三十二年十一月），傳達政府最高當局德意。其時新疆督辦盛世才擁兵自重，倔強不馴，因寒老德望之隆、學問之博、態度之誠，曉以大義，動以利害，盛世才深爲悅服，乃宣佈歸順中央，共赴國難，每行典禮，即遵行向國旗及國父遺像鞠躬致敬。不費一兵一卒，疆甸以寧，抗日力量大爲增強，徵寒老之力，曷克臻此？在新疆時曾書贈盛世才一聯，文曰：「忠義必期清塞水，國家方倚作干城。」激勵期許之意甚深，盛督辦感而受之。此行任務至爲艱鉅，且途程千里，風沙漫天，著名之「驢德頌」即成於此時，此詩之自序有云：「三十年前於役西陲，見道旁驢骨堆

堆，惻然有感，曾成驢德頌一首，認爲此實未來時代應有之人生觀也。」原詩爲七律一首，詩云：「木訥無言貌肅莊，一生服務爲人忙，祇知盡責無輕重，最恥言酬計短長，絕意人憐情耿介，獻身世用志堅強，不尤不怨行吾素，力竭何妨死道旁！」

全詩做句平易工穩，結聯尤爲感人。寒老力行真理本乎儒家「雖千萬人吾往矣」之效死精神，實已達到總統蔣公中正遺墨：「置個人死生於度外，以國家興亡爲己任」之深意，子曰：「士不可以不弘毅，任重而道遠，死而後已，不亦遠乎？」亦與耶穌基督之入世救世，不愛其軀之赴死精神，同出一轍，寒老已是貫通孔子、基

督與國父三家思想之精義爲一體，其可敬佩有如此者！又憶民國三十三年，蔣委員長以抗日戰爭已達高潮，爲激揚士氣，乃號召十萬青年從軍，寒老率先響應，毅然辭去中央宣傳部長，又對海外部長新命謙辭不受，投筆從戎，報名入伍，勝利始告復員，其慷慨赴死之精神，可以驚天地而泣鬼神矣！昔者孟軻好辯，嘗曰：「吾豈好辯哉？吾不得已也！」抨擊異端，孔道以倡，寒老以力行而宏揚三民主義之聖學，數十年如一日，今日吾人喜見孫學其道大行，雲蒸霞蔚，廣被中外，三民主義統一中國之期不遠。國父雄聖也，寒老爲聖人之徒，夫聖人之徒不失爲賢者，寒老可謂優入聖域矣！

中外文史叢書

壯遊八十年

現已出版 歡迎購閱

定價平裝380元 精裝450元

陳廣沅授著

本書爲旅美學人前國立東南大學中央大學教授陳廣沅先生精心傑作。要目有：唐山、上海交大生活。留學美國準備一年。二年讀書二年做工之留美生活。回國後大學教學生活。服務津浦路浙贛路滇緬路回憶。赴美爭取鐵路器材。聯總救濟工作。行政院救總工作。回憶民航空運隊。避難香江十年。晚年在美教書奇聞。內容精彩，篇篇可讀。全書陸佰叁拾頁。二十五開本平裝訂價新台幣叁佰捌拾元。精裝本台幣肆佰伍拾元，郵撥〇七三九三三三一二聖文書局帳戶。